

TILSKIPUN RÁÐSINS 95/39/EB

frá 17. júlí 1995

um breytingu á viðaukum við tilskipanir 86/362/EBE og 86/363/EBE um hámarksmagn varnarefnaleifa í og á kornvörum og matvælum úr dýraríkinu

RÁÐ EVRÓPUSAMBANDSINS HEFUR,

með hliðsjón af stofnsáttmála Evrópubandalagsins,

með hliðsjón af tilskipun ráðsins 86/362/EBE frá 24. júlí 1986 um hámarksmagn varnarefnaleifa í og á kornvörum ⁽¹⁾, einkum 11. gr.,með hliðsjón af tilskipun ráðsins 86/363/EBE frá 24. júlí 1986 um hámarksmagn varnarefnaleifa í og á matvælum úr dýraríkinu ⁽²⁾, einkum 11. gr.,

með hliðsjón af tillögu framkvæmdastjórnarinnar,

og að teknu tilliti til eftirfarandi:

Framkvæmdastjórnin hefur fengið fyrirmæli, samkvæmt ákvæðum tilskipana ráðsins 86/362/EBE og 86/363/EBE, um að taka saman skrá yfir varnarefnaleifar og hámarksmagn þeirra og leggja fyrir ráðið til samþykktar.

Starfshættir í landbúnaði geta valdið því að varnarefnaleifar fyrirfinnist í kornvörum og matvælum úr dýraríkinu. Taka ber mið af viðeigandi gögnum fyrir báðar gerðir leyfilegrar notkunar varnarefna og, eftir atvikum, prófanir undir eftirliti og rannsóknir á sviði fóðrunar.

Til að auðveldara verði að meta magn varnarefnaleifa, sem berst með fæðu, er skynsamlegt að ákveða samtímis, eftir því sem við á, hámarksviðmiðunargildi fyrir einstök varnarefni í öllum mikilvægustu þáttum fæðunnar. Viðkomandi

gildi svara til notkunar á minnsta magni varnarefna er nægir til að halda plágum í skefjum, þannig að leifarnar verði eins litlar og mögulegt er og viðunandi frá eiturefnafræðilegu sjónarmiði.

Með tilliti til framfara í vísindum og tækni og krafna á sviði almannaheilbrigðis og landbúnaðar ber að breyta tilskipunum 86/362/EBE og 86/363/EBE með því að bæta við ákvæðum um fleiri varnarefnaleifar í og á kornvörum og matvælum úr dýraríkinu, nánar tiltekið metidapíón, metómýl, þíódíkarb, amítras, þírfímíþos-metýl, aldíkarb og þíabendasól.

Samkvæmt gildandi stöðlum nægja fyrirbyggjandi gögn hins vegar ekki til að ákvarða hámarksmagn varnarefnaleifa þegar um ákveðnar varnarefnaleifar í tilteknum vörum er að ræða. Í slíkum tilvikum er eðlilegt að gera ráð fyrir allt að fjórum árum til að afla allra nauðsynlegra gagna. Því ber að ákvarða hámarksviðmiðunargildi á grundvelli fyrrnefndra upplýsinga eigi síðar en 1. júlí 2000. Takist ekki að afla fullnægjandi gagna eru viðmiðunargildin yfirleitt ákveðin með hliðsjón af gildandi ákvörðunarmörkum. Fullnægjandi loforð þess efnis að nauðsynlegra gagna verði aflað skal berast innan árs frá því að þessi tilskipun er samþykkt.

Hámarksviðmiðunargildi fyrir varnarefnaleifar, sem eru ákveðin með þessari tilskipun, ber að endurskoða í tengslum við endurmat á virkum efnium, sem kveðið er á um í vinnuáætluninni sem um getur í 2. mgr. 8. gr. tilskipunar ráðsins 91/414/EBE frá 15. júlí 1991 um markaðssetningu plöntuvarnarefna ⁽³⁾.

SAMÞYKKT TILSKIPUN ÞESSA:

1. gr.

Bæta ber eftirfarandi varnarefnaleifum við A-hluta II. viðauka við tilskipun 86/362/EBE:

⁽¹⁾ Stjútíð. EB nr. L 221, 7. 8. 1986, bls. 37. Tilskipuninni var síðast breytt með tilskipun 94/29/EB (Stjútíð. EB nr. L 189, 23. 7. 1994, bls. 67).

⁽²⁾ Stjútíð. EB nr. L 221, 7. 8. 1986, bls. 43. Tilskipuninni var síðast breytt með tilskipun 94/29/EB (Stjútíð. EB nr. L 189, 23. 7. 1994, bls. 67).

⁽³⁾ Stjútíð. EB nr. L 230, 19. 8. 1991, bls. 1.

Varnarefnaleifar	Hámarks magn í mg/kg (ppm)
METIDABÍÓN	0,02(*)
METÓMÝL, ÞÍÓDÍKARB	0,05(*)
Efnaleif: summan af metómýl og þíódíkarb, gefið upp sem metómýl	
AMÍTRAS	0,02(*)
Efnaleif: amítras ásamt öllum umbrotsefnum sem innihalda 2,4 dímetylanilín, gefið upp sem metómýl	
ÞÍRÍMÍFOS-METÝL	5
ALDÍKARB	0,05(*)
Efnaleif: summan af aldíkarb, súlfoxíði þess og súlfóni, gefið upp sem aldíkarb	
ÞÍABENDASÓL	a) hveiti, hrísgrjón 0,05(*) : aðrar korntegundir

(*) Sýnir lægri mörk greiningarákvörðunar.

(a) Hafi viðmiðunargildi ekki verið samþykkt 1. júlí 2000 skal miða við 0,05(*)-gildið.

2. gr:

1. Bæta ber eftirfarandi varnarefnaleifum við A-hluta II. viðauka við tilskipun 86/363/EBE:

Varnarefnaleifar	Hámarks magn í mg/kg (ppm)		
	af fitu, sem er í kjöti, kjötvörum, sláturúrgangi og dýrafitu eins og tilgreint er í I. viðauka undir tollskránumúmerum úr 0201, 0202, 0203, 0204, 0205 00 00, 0206, 0207, úr 0208, 0209 00, 0210, 1601 00, 1602 ⁽¹⁾ ⁽⁴⁾	fyrir ógerilsneydda kúamjólk og nýmjólk eins og tilgreint er í I. viðauka undir tollskránumúmeri 0401: fyrir önnur matvæli undir tollskránumúmerum 0401, 0402, 0405 00, 0406 ⁽²⁾ ⁽⁴⁾	af skurnlausum ferskum eggjum, fyrir fuglasegg og eggjarauður eins og tilgreint er í I. viðauka undir tollskránumúmeri úr 0407 00 og 0408 ⁽³⁾ ⁽⁴⁾
METIDABÍÓN	0,02(*)	0,02(*)	0,02(*)
ÞÍRÍMÍFOS-METÝL	0,05(*)	0,05(*)	0,05(*)

(*) Sýnir lægri mörk greiningarákvörðunar.

⁽¹⁾ Þegar um er að ræða matvæli með 10% fituinnihald eða minna miðað við þyngd, miðast leifarnar við heildarþyngd úrbeinaðra matvæla. Í slíkum tilvikum er hámarks magnið einn sjötti af gildinu, sem er reiknað á grundvelli fitumagnsins, en má þó ekki vera lægra en 0,01 mg/kg.

⁽²⁾ Þegar ákvarða skal varnarefnaleifar í ógerilsneyddri kúamjólk og nýmjólk er miðað við 4% fituinnihald af þyngd. Fyrir önnur matvæli sem eru talin upp í I. viðauka undir tollskránumúmerum 0401, 0402, 0405 00 og 0406:

- með fituinnihald innan við 2% miðað við þyngd, er hámarks viðmiðunargildið helmingur af því sem sett er fyrir ógerilsneydda mjólk og nýmjólk,
- með fituinnihald 2% eða meira miðað við þyngd, er hámarks viðmiðunargildið gefið upp í mg/kg af fitu. Í slíkum tilvikum er hámarks viðmiðunargildið 25 sinnum það sem sett er fyrir ógerilsneydda mjólk og nýmjólk.

⁽³⁾ Fyrir egg og eggafurðir með meira fituinnihald en 10% skal gefa hámarks viðmiðunargildi upp í mg/kg af fitu. Í slíkum tilvikum er hámarks gildið tíu sinnum hærra en hámarks viðmiðunargildi fyrir fersk egg.

⁽⁴⁾ Ákvæði neðanmálsgreina ⁽¹⁾, ⁽²⁾ og ⁽³⁾ gilda ekki þegar lægri mörk greiningarákvörðunar eru sýnd.

2. Bæta ber eftirfarandi varnarefnaleifum við B-hluta II. viðauka við tilskipun 86/363/EBE:

Varnarefnaleifar	Hámarks magn í mg/kg (ppm)		
	af kjöti, einnig fitu, kjötvörum, sláturúrgangi og dýrafitu eins og tilgreint er í I. viðauka undir tollskrárnúmerum úr 0201, 0202, 0203, 0204, 0205 00 00, 0206, 0207, úr 0208, 0209 00, 0210, 1601 00 og 1602	fyrir mjólk og mjólkurvörur eins og tilgreint er í I. viðauka undir tollskrárnúmerum 0401, 0402, 0405 00 og 0406	af skurnlausum ferskum eggjum, fyrir fuglasegg og eggjarauður eins og tilgreint er í I. viðauka undir tollskrárnúmerum 0407 00 og 0408
METÓMÝL	0,02(*)	0,02(*)	0,02(*)
ÞÍÓDÍKARB Efnaleif: summa metómýl og þíódíkarb, gefið upp sem metómýl			
AMÍTRAS Efnaleifar: amítras ásamt öllum umbrotsefnum sem innihalda 2,4 dímetýlanilín, gefið upp sem amítras	Alifuglakjöt 0,02(*)		0,02(*)
ALDÍKARB Efnaleif: summan af aldíkarb, súlfoxíði þess og sulfóni, gefið upp sem aldíkarb	0,01(*)	0,01(*)	0,01(*)
ÞÍABENDASÓL Efnaleif: summan af þíabendasól og 5-hýdróxyþíabendasól	0,1 (að undanskildu kjöti og öðrum sauðfjár-, nautgripa- og geitaafurðum)		0,1(*)

(*) Sýnir lægri mörk greiningarákvörðunar.

3. gr.

Aðildarríkin skulu samþykkja nauðsynleg lög og stjórn-sýslufyrirmæli til að fara að tilskipun þessari eigi síðar en 22. ágúst 1996.

Þegar aðildarríkin samþykkja þessar ráðstafanir skal vera í þeim tilvísun í þessa tilskipun eða þeim fylgja slík tilvísun þegar þær verða birtar opinberlega. Aðildarríkin skulu setja nánari reglur um slíka tilvísun.

4. gr.

Tilskipun þessari er beint til aðildarríkjanna.

Gjört í Lúxemborg 17. júlí 1995.

Fyrir hönd ráðsins,
L. ATIENZA SERNA
forseti.